

<b>Adroddiad i'r</b>	Cabinet
<b>Dyddiad y cyfarfod</b>	18 Ionawr 2022
<b>Aelod / Swyddog Arweiniol</b>	Julian Thompson-Hill, Aelod Arweiniol Cyllid, Perfformiad ac Asedau Strategol
<b>Awdur yr adroddiad</b>	Gary Williams, Pennaeth Gwasanaethau Democrataidd, AD a Chyfreithiol
<b>Teitl</b>	Estyniad i Gontract y Gwasanaethau Hamdden

## 1. Am beth mae'r adroddiad yn sôn?

1.1. Mae'r adroddiad yn trafod y cynnig i ganiatáu estyniad i gontract y gwasanaethau hamdden a ffurfiwyd rhwng y Cyngor a Hamdden Sir Ddinbych Cyf. ('HSDd').

## 2. Beth yw'r rheswm dros lunio'r adroddiad hwn?

2.1. Y rheswm dros lunio'r adroddiad yw ceisio cymeradwyaeth gan y Cabinet i ymestyn hyd y contract gwasanaethau hamdden am flwyddyn.

## 3. Beth yw'r Argymhellion?

3.1. Bod y Cabinet yn cytuno i roi estyniad am gyfnod o ddeuddeng mis i'r contract gwasanaethau hamdden a ffurfiwyd rhwng Cyngor Sir Ddinbych a Hamdden Sir Ddinbych Cyf. ar 1 Ebrill 2020 yn unol â chymal 2.2 yn y contract.

## 4. Manylion yr adroddiad

4.1. Sefydlwyd HSDd gan y Cyngor ar 28 Awst 2019.

4.2. Llofnododd y Cyngor gontract gyda HSDd ar 1 Ebrill 2020 i ddarparu gwasanaethau hamdden ('y Contract'). Cychwynnodd y Contract ar 1 Ebrill 2020 am gyfnod o ddeng mlynedd, gan ddod i ben ar 31 Mawrth 2030.

- 4.3. Mae cymal 2.2 yn y Contract yn darparu ar gyfer estyniad posib' i hyd y Contract. Gall y Cyngor ymestyn cyfnod cychwynol y Contract ddwy waith, am gyfnod o 12 mis ar y tro.
- 4.4. Mae HSDd wedi gofyn i'r Bwrdd Llywodraethu Strategol ('y BLIS') ystyried argymell caniatáu estyniad i hyd y contract o 12 mis. Y rheswm am y cais hwn oedd bod yr ymateb i'r pandemig Covid-19, gan gynnwys cau'r safleoedd sy'n cael eu rheoli gan HSDd, wedi amharu'n sylweddol ar ei allu i ddarparu'r gwasanaethau roedd wedi'i gontractio i'w darparu a'i fod, i bob pwrpas, wedi colli blwyddyn o weithredu.
- 4.5. Cynghorwyd y BLIS bod y cais wedi'i ysgogi wedi i HSDd roi estyniad i nifer o gontractau a fframweithiau eraill gan ei gyflenwyr a'i bartneriaid ei hun o ganlyniad i Covid-19, ac roedd yn beth cyffredin ar draws y sector. Roedd yr effaith ar HSDd mewn perthynas â chael grantiau, a 'busnes newydd' yn y dyfodol, drwy ei anallu i gyflawni telerau'r Contract ym mlwyddyn un, yn gadael HSDd dan anfantais wrth gystadlu am fusnes.
- 4.6. Ar ôl ystyried cais gan HSDd, cytunodd y BLIS, yn ei gyfarfod ym mis Gorffennaf 2021, i argymell i'r Cabinet roi estyniad o 12 mis i hyd y Contract oherwydd yr amhariad ar y busnes yr oedd y pandemig Covid-19 wedi'i achosi.
- 4.7. Os yw'r Cabinet yn cytuno i roi'r estyniad, bydd cyfnod y Contract yn dod i ben ar 31 Mawrth 2031 oni bai ei fod yn cael ei ymestyn ymhellach. Bydd y Cyngor, os yw'n dymuno, yn gallu caniatáu un estyniad arall i'r Contract am gyfnod o hyd at 12 mis.

## **5. Sut mae'r penderfyniad yn cyfrannu at y Blaenoriaethau Corfforaethol?**

- 5.1. Nid yw'r penderfyniad yn cael effaith uniongyrchol ar y blaenoriaethau corfforaethol.

## **6. Faint fydd hyn yn ei gostio a sut y bydd yn effeithio ar wasanaethau eraill?**

- 6.1. Mae'r ffi reoli sy'n cael ei darparu i'r cwmni gan y Cyngor yn £1.872 miliwn ar hyn o bryd, sydd wedi parhau heb ei newid ers 2020/21, wrth gyfrif am drosglwyddiadau i mewn / allan o'i gwmpas. Er mai'r bwriad gwreiddiol oedd i'r ffi

hon ostwng trwy gytundeb gyda'r cwmni, mae unrhyw adolygiad o'r ffi wedi'i atal oherwydd yr ansicrwydd ariannol sy'n parhau i wynebu'r economi a'r sector oherwydd Covid-19.

## **7. Beth yw prif gasgliadau'r Asesiad o'r Effaith ar Les?**

7.1. Nid oes angen Asesiad o'r Effaith ar Les ar gyfer yr adroddiad hwn.

## **8. Pa ymgynghoriadau sydd wedi'u cynnal gyda Chraffu ac eraill?**

8.1. Mae'r BLIS wedi ystyried y cais am estyniad ac wedi argymhell i'r Cabinet y dylid caniatáu estyniad o 12 mis.

## **9. Datganiad y Prif Swyddog Cyllid**

9.1. Nid oes unrhyw oblygiadau ariannol ar gyfer y Cyngor yn deillio o'r adroddiad hwn gan fod y ffi reoli'n cael ei chytuno'n flynyddol. Fodd bynnag, mae'r cwmni'n teimlo y gallai'r estyniad helpu â thrafodaethau gyda chyflenwyr neu gwmnïau allanol ac felly cefnogir yr argymhelliad.

## **10. Pa risgiau sydd ac a oes unrhyw beth y gallwn ei wneud i'w lleihau?**

10.1. Mae HSDd wedi nodi risg y bydd dan anfantais wrth chwilio am fusnes newydd neu gyfleoedd am gyllid os nad yw'n cael yr estyniad i'r Contract, i gael cyfnod llawn o ddeng mlynedd oherwydd yr amser a gollwyd o ganlyniad i'r pandemig Covid-19. Byddai hyn yn cael ei liniaru drwy roi'r estyniad.

10.2. Mae'r Contract yn caniatáu hyd at ddau estyniad i'r cyfnod, a'r ddau am hyd at 12 mis yr un. Trwy roi'r estyniad rŵan, bydd y Cyngor wedi defnyddio un o'r estyniadau hynny ac un cyfle yn unig a fydd ar ôl i ymestyn hyd y Contract pe bai'n dymuno gwneud hynny yn nes ymlaen. Mae modd lliniaru'r risg hon drwy drefniadau rheoli contract a chynllunio priodol tua diwedd cyfnod y Contract.

## **11. Pŵer i wneud y penderfyniad**

11.1. Cymal 2.2 yn y Contract

11.2. Adran 6.7 Rheolau Gweithdrefn Contractau'r Cyngor